

Universitätsbibliothek Paderborn

**R. P. Pavli Laymann è Societate I: Theologiæ Moralis
Compendiv[m] absolutissimum et in quinq[ue] libros
partitum**

Laymann, Paul

Moguntiæ

5. de Neceßitate huius Sacramenti.

urn:nbn:de:hbz:466:1-40716

C A P. V.

De necessitate & obligatione huius sacramenti suscipiendi.

1. **S**umptio S. Eucharistiae proprie loquendo non est necessaria hominibus necessitate medi ad salutem, quia tantum haec duo Baptismus & Pœnitentia instituta sunt tanquam media per se iustificationis: Baptismus ad remissionem peccatorum originalis. Pœnitentia autem pro lapsis. At Eucharistia nec instituta est ad remissionem Originalis, nam alioquin etiam parvulis danda, quod reprobatur Concil. Trident. neque ad remissionem mortalis peccati. Nam alioquin, qui mortaliter peccasset, post sumptum viaticum deberet denuo Eucharistiam sumere si posset, quod tamen D D. communiter negant. Imò nec licitum est, eodem die iterum sumere, nisi infirmus, qui post sumptum viaticum mortaliter peccauit, mox se moriturum existimet, sed sufficiens ei est atque necessarium sacramentum Pœnitentiae re vel voto sumptum, qua de re Suarez dis. pos. 40. s. 1.

2. Sumptio S. Eucharistiae fidelibus adultis necessaria est, necessitate præcepsi diuini, non tantum in mortis articulo, sed saepius in vita: Haec assertio habet tres partes. Prior probatur ex verbis Christi Iohannis 6. *Nisi manducaveritis carnem filii hominis, non habetis vitam in vobis.* Secunda pars probatur ex perpetua praxi Ecclesiæ, magna diligentia cauensis, ne infirmi sine viatico decedant. Unde Parochis mandatum, & mos in Ecclesia semper vergit, pro morituris in sacrario S. Eucharistiam asservari debere. Tertia pars assertio: Quod fideles in vita

vita sepe ex Christi præcepto Iohannis 6. obligentur communicare; probatur, quia hoc sacramen-
tum institutum est per modum spiritualis cibi &
potus nutrientis animam, qua analogia significare
videtur sine cœlesti hoc cibo vitam hominis spiri-
tualem diu consistere non posse iuxta Iohannis 6.
Nisi manducaveritis carnem Filii hominis.

Frequenter accidit, ut S. Eucharistia ad infir-
mos defensanda sit, quam extrema Vnctio, quia non
unum mortis periculum expectandum est ad com-
municandorum insitum, quantum ad vngendum.

NB. Solum in probabili periculo mortis Eu-
charistia non ieianis porrigitur.

Si homo paucis v.c. octo diebus, antè, quam in 4
mortis periculum incidit, communicaret, non tene-
tur iterum communicare (secus si longiore tempo-
re.) Nam præceptum de Eucharistia ante mortem
sumenda. secundum substantiam impleuit. Imò Sa.
Caietan. Armilla negant, eum mortaliter peccare,
quia cum Paschate communicauit superuenienti
mortis periculo S. Communionem intermittit per
negligentiam, tamen sine contemptu.

Ecclesia non permittit, ut aliquis intra eundem 5
diem bis communicetur.

Patrochi aduigilare debent, an aliqui in mortis 6
periculo constituti sint, ut mature & de die S. Via-
ticum illis adfert; si necesse tamen, etiam nocte.

Frequens S. Eucharistiæ sumptio commendabi- 7
li est, iuxta morem Ecclesiæ primitiæ quotidie
potest institui, Actor. 2. Laicis tamen propter di-
stractiones & impedimenta huius vitæ octauo quo-
que die permittitur, idque iudicio confessarii.

Ecclesiæ præcepto fideles obligantur ad Eucha- 8

Rrr 5 ristiam

ristiam in Paschate sumendam, videlicet à Dominica Palmarum, usq; Dom. in Albis, idq; communione; alioquin per consuetudinem extensum est hoc tempus, ut totam Quadragesimam complectatur, vti Mediolani. Monachii autem quatuordecim dies esante & quatuordecim dies post Pascha obseruant. Quod si quis paschali tempore non communicet, debet postea cumprimum commodè potest communicare. Cum enim unum principaliter præcipitur, alterum secundariò, et si quod secundarium est negligatur, aut seruari non possit, debetamen impleri quod principale est, ut si quis obligatur tributum soluere in die S. Georgii, si tunc non soluat, postea cumprimum potest soluere cogitur. Sic autem Ecclesiæ quoque principalis intentio est, obligandi fideles, singulis annis saltem ad S. Eucharistiam sumendam, secundariò autem determinat tempus paschale veluti maximè conueniens, & memoriam tūm passionis, tūm sacramenti huius institutionis.

9 Qui præuidet, se in Paschate à S. Communione impeditum iri, non tenetur tempus præscriptum præuenire, modò intra eum annum semel communicarit, Ratio, quia nemo obligatur ad anticipandum opus præceptum nisi tali anticipatione satis fiat præcepto Ecclesiæ de communione paschali, quod eo signo colligitur, quia si postea impedimentum ponamus præter opinionem tolli, adhuc obligatus erit ad paschalem communionem.

10 Pœnæ Canonice iis decretæ, qui annum confessionem seu communionem paschalem intermitunt, non sunt sententiæ latæ, sed ferendæ ab ordinario loci, vnde parochi propter defectum iurisdi-
ctionis

tionis in foro externo non facile eam pœnam inferre debent, nisi ex commissione ordinarii.

Nullum Christi præceptum extat de sacra communione ab aliis, qui non sacrificant sub utraq; specie sumendi : Ratio, quia quæ ad accidentales modos seu ritus sacramentorum pertinent, ea Christus non præcepit, sed Ecclesiæ disponenda reliquit : At vero Communio sub una aut utraq; specie ad accidentalem modum sumptionis Eucharistie pertinet, quippe realiter toto Christo sub qualibet specie cōtentio. Ergo de ea Christus nihil præcepit, sed Ecclesiæ reliquit secundum temporum & locorum circūstantias determinandum. Vnde illud Iohannis de una specie : *Caro mea verè est cibus, &c. 1. Cor. 10. Unus panis & unum corpus multi sumus, qui de uno pane participamus.* Et Iohann. 6. *Qui manducat me, viuet propter me:* manducando enim Eucharistiam seu speciem panis, Filius Dei in nobis manet, & nos in ipso. Idq, eripi at Concil. Trident. sess. 13. c. 3. vbiait : Licet ex vi verborum consecrationis solum Christi corpus adsit; tamen per concomitantiam seu connexionem adesse sanguinem, animam, & vitam, quandoquidem Christus postquam ex mortuis surrexit, iterum morturus non est, Rom. 5. Adesse etiam diuinitatem propter admirabilem & indissolubilem verbi diuini cum corpore & anima eius hypostaticam unionem obiectorum solutiones, vide in Authore.

N.B. Sacerdos de oblatissuis, adeoq; de utraq; specie participare debet iuxta præceptum Christi, quotendant verba. Hoc facite idque ob perfectio nem sacrificii

Essentia est spiritualis fructus Eucharistie, quatenus sacramentum est in unica specie consistere potest.

Sacra

- 13 Sacra Communio sub vna panis specie in Veteri etiam Ecclesia visitata fuit; pater ex Clement. Alex. Tertull. Basilio, Hieronymo.
- 14 In veteri Ecclesia consuetudo erat S. Eucharistiam in Ecclesia à sacerdote acceptam domum fendi in mundolinte, & sumendi, qui tamē mos postea sublatuſ.
- 15 Clericorum Communio olim appellata erat, quæ intra altaris cancellos fiebat, Laicorum vero, quæ extra cancellos. Clerici sub utraque, Laici sub vna communicabant.
- 16 In veteri Ecclesia indubitatum erat S. Eucharistiam consecratione effici, extra usum permanere, adorandam & asseruandam esse, ut attestantur Patres Dionys. Areopag. Clemens, Origenes, Basilus, Nazian. Chrysost.

C A P. VI.

De requisita animi ac corporis dispositione ad susceptionem S. Eucharistiae.

- 1 Peccata actualia commissa inter communica-
dum, venialia, licet effectum & Eucharistiam,
quæ est gratia sanctificans non impedian, eò quod
non ponant obicem gratiæ sanctificant; Quando-
quidem cum ea consistere possunt; faciunt tamen,
ut sacramentum minus reverenter suscipiantur.
- 2 Ad augmentum gratiæ in suscipiente iusto alia
actualis dispositio non requiritur necessario, nisi ut
sacramentum voluntariè suscipiantur, tanquam spiri-
tualis cibus animæ. Nam alioquin sequeretur,
quod homo iustus suscipiendo Eucharistiam sine a-
ctuali deuotione mortaliter peccaret, & iustitiam
amitteret, quia poneret obicem gratiæ sacramenti;

confe-